

華嚴經搜玄記

二下


C10  
612



考備	數	冊	名	書	號
	第	全			
		冊			


西山藏書

卷十二 十二月 五郎



B8388

無盡



華嚴經略疏卷第二 末

菩薩十無盡藏品第十八四門同上菩薩入十  
 者本數無盡分齊也藏者愠積也良以體非數  
 分行無窮竭而生滅所不易故云無盡一攝一  
 切統含無外故曰藏也餘可准知二來意者所  
 以來正位自分已成次明勝進入後位故來也  
 所以前問在迴向後今答在前者欲顯行通故  
 也亦可迴向屬助方便藏從行本故在初前耳  
 三品以能所甚深功德愠積諸義爲宗四辨文

華嚴經略疏卷第二 末

000567025-0



者此文有三初舉數引證略歎列名二何等爲菩薩下辨相三此藏有十下結歎也初文有三可知十名者一信卽十地第一及攝論中書持二戒卽地中慈悲及論中第六教他得三慚四愧卽地中行及論中第九獨處空閑等五聞卽地中知諸經論及論中第四恭敬聽受六施卽地名捨及論中名施他七慧卽地第十如法修卽論中第十修相入意八正念卽地中不疲倦及論中自讀九持卽地中堅固力卽論中第七

如所說一心習也十辨卽地中六善解世法卽四辨也卽論第八爲他如理廣釋地論及攝論皆有供養此中何故無者此中分慚愧爲二故也亦可此藏與彼一向義別也二廣辨文有二一釋相二是爲下結歎行用能成大果初二信藏文有四初列名二辨相三結四重歎行用二辨相有三初自性住佛性二佛如是知下約至得果性三此菩薩成就如是下約引出性初自性文有三初入理次辨信堅固三何以故下決疑



也第二至得果文初辨信境次菩薩成就下明  
信解成相第三引出文有三初牒前次不退下  
卽明信境界分齊次護持下辨信行成戒藏有  
三初列名次別釋三是有下結已下諸文三段  
准此可知二別釋文有三初牒十名次何等下  
辨相三此菩薩持如是等下大悲利物用就不  
諍戒中不非先制不更造立者隨順實際體非  
集起心常隨順向涅槃者一切諸事卽涅槃相  
不復更滅也慚文有二同前第二辨相內有四

初知己過二一切下識生有罪三自惟下上聖  
知見四是故下離過顯慚心愧文有三同前第  
二辨相內有四初知己過二復作下知生有罪  
三上聖知見四禮當下離過顯愧耳第五多聞  
辨相內初列所聞十種事二辨十相三菩薩作  
如是念下利他十二因緣是無爲者婆娑一師  
云有爲不自立因無爲故也此中文有六無爲  
又解一空約事相辨二涅槃約位論三數滅約  
性散四非數滅就事散五緣生約理從事六法



法界理不對事耳

自法界起也

界理不對事耳對憤卽有爲所以及餘意思之  
可解也此等義並是自體緣起叅而不雜不可  
以事相論也是以大乘教相若論方便解入時  
一切教相要說詮中耳也若論正解時要是祕  
密教詮方得顯大乘義相也甚須得意勿或其  
聲無記有十六也施第二辨相夫言施者以捨  
濟資益爲義故文言乃至自受資用無非是施  
若就事相中明時如文所列據詮表以明但使  
解遠窮宗莫問玄想之以正智一開情已乃至

三業起動進叅隨緣所作無不隨順如實與無  
盡藏相應故能建立無上菩提根本種子文有  
二初列名後廣辨前施法中有三種施法可知  
餘文相顯可知智慧第二辨相內有五初七句所  
知境前四各有二義二色苦是報色二色集是  
業色三色滅是分別性色四色道是道其善色  
第二色苦者色無常二色集生後三色滅卽如  
四色道謂成道具也餘准之聲聞菩薩等者初  
知人次知所軌法三知道因雜煩惱習故得集



名四知滅果也體相如下說次云何知下辨加  
行觀諸法卽自利有問答一文答中有六句可  
知三廣爲說下利他有五句初總二問答明義  
分齊二問答顯說儀四責五答所由有四句耳  
四菩薩成就下辨利自他行成相有三可知五  
此智慧藏有十種下辨慧攝無盡有四可知念  
藏第一辨相文有三初辨所念淨法云念佛者  
隨順實覺也云授記者實覺妙軌顯此心懷也  
云念持修多羅者圓覺等滿相彰於外妙軌備

時以爲世則故也次菩薩作如是念下辨十念  
體三此菩薩作是下明念堅強也言妙者妙過  
餘人淨念者所記分明不濁者不雜聞鄣遍淨  
念者於法悉明離塵念者於所念事不生貪染  
離種種塵不生餘結離垢念者不計我能光曜  
念者廣照無極言樂念樂修不息無鄣礙者發  
意卽知不得思量等也持文有四初問二辨相  
三結四歎德耳辨相文有三初辨持人次佛明  
所聞緣處二聞持一品下辨所聞法辨釋相有



四初牒次辨三結四歎德第二廣辨文有五初明後智辨體二廣爲下明辨功能三何故下釋成四成就此藏故下廣明辨德所成之事五此菩薩成就百萬下成辨無盡之用事也此文有二初釋次問答公疑云佛子是爲下第二結德用能成大果無盡次此藏有十種下第三結歎辨藏深與生德無盡有四可知也

第五會佛昇兜率天宮一切寶殿品第十九此卽答上迴向門四門同上一釋名者知足天約

行准之又前第三會但說宮殿第四會但論莊嚴第五會云一切審莊嚴第六會摩尼審等者欲顯慈悲德相隨物轉增故也一來意者所以來者若不迴向進行莫由故也一會來意二品來意同前准之可知第三會宗者分別有一約人法同有體相用准上可知又因此會宗體更舉上下諸會別宗有二義一舉普賢性起實德隨差別緣以起信心故說卽初會明世界海第二會十信第三會十解第四會十行第五會方



優迴向第六會明修成本有無漏因果二行法  
等第七會依法成因果行德第八會依入成位  
差別德也此並是一乘三乘共學法第二攝差  
別緣以從本實卽初會觀圓明五海十智以起  
說第二會位位成就本實因果分量德第三會  
解位顯證性德普賢因果第四會行位顯證本  
性普賢因果第五會方便迴向位顯證法界如  
相普賢因果第六會證位顯證性普賢因果第  
七會依法以顯通教普賢因果行德分齊第八

會依入顯證普賢因果緣起理事德依分量差  
別義也四釋文者此文三品分二初二前方便  
序後一正宗此初品有二初體用二融體融內  
有三謂身口意又因果相應爲後方便也上皆  
同此耳第二時彼天王下趣緣攝化此文有六  
一時彼天王下從體起用爲攝化緣二卽於下  
辨王修供養具卽成熟根三爾時世尊以佛莊  
嚴下明佛受請昇座明機感相四爾時佛神力  
爲天王故下明勝力加被息亂住靜五爾時天



王下明從靜定發智偈歎也六爾時世尊昇一切審殿下辨佛法身平等攝益成事不虛第二文有<sub>二</sub>初成根<sub>二</sub>爾時天王爲如來敷坐竟下天王出迎世尊辨敬儀也卽根熟成欲初嚴供具文有<sub>三</sub>初總嚴立宗<sub>二</sub>所謂下別廣辨修入方儀<sub>三</sub>如是四天下結歎同等顯機應法初文有<sub>二</sub>初總明嚴坐<sub>二</sub>過去修習下辨因緣因緣有<sub>三</sub>初三總餘別次第<sub>三</sub>疑可知也就第二所謂下廣說在殿修供養行成方儀中大文有

三初辨器世間莊嚴自在行二百萬億諸天神王下明衆生世間莊嚴自在行此能供養人第一三百萬億諸大菩薩下智正覺莊嚴自在行此分證理故有異解云此中有五十八衆可知初器文有<sub>二</sub>初外塵莊嚴是具<sub>二</sub>百萬億神力自在下明內法莊嚴智正覺中初十三辨入次并句行德諸大菩薩者入道場會人華手等信解位也第二迎佛文有<sub>三</sub>初出迎辨敬儀有<sub>二</sub>謂初結前二生後也<sub>二</sub>設供養<sub>二</sub>正申請<sub>二</sub>設供



文分三初明自分行供養有二初外二內可知  
二佛神力故下明勝進分供養三爾時一切諸  
天衆下辨二行入佛界也二勝進分德中有三  
初總二別莊虛空三出花供養如來也三爾時  
一切諸天衆下明入佛界中有三初辨利他二  
時諸天見如來身一一毛孔下自利德三爾時  
如來下辨自他平等圓極自在就前段中初知  
利他德二如是正念下十觀結觀解益初知中  
有二初人雄等報身德二順衆生根現佛身下

化身德報身中初身業德次住一切智下辨口  
業德三佛智慧月下明意業二化佛下初身業  
二常以法施下明口業三皆從心起下辨意業  
此等上遠佛境卽是迴向內人用事可准之二  
自利德中有六句初辨放光相二自然下辨光  
說偈三顯現阿僧祇下明莊嚴相四顯現不可  
思下出化身說法五又佛身中下出密光明顯  
其因行六又觀自在神力下明說法教化三自  
他平等圓極文有四初牒前慈悲德二欲令無



量下隨機攝益三成就如來下入佛界德成四  
如來顯現下結歎難盡第三趣緣攝化文有三  
初正趣二等餘方三辨益可知第五智文有三  
初長行憶念卽是智體二說偈明智相何意歎  
一佛德者爲彰廻向多方便歸一慈悲善巧也  
三等通餘方第六攝化成事文有四初辨趣機  
二正攝化三成益文有二初二句順理次順事  
所以但辨具德不廣聲如來處者爲顯方便別  
莊嚴也四等通十方也

兜率天宮菩薩雲集讚佛品第廿四門同上  
釋名者有四義一處一人一身儀四口業或六  
可知二來意同前但所爲別耳三宗亦同前准  
之但廻入此品歎方便佛行爲異耳四釋文者  
此品三序初文集衆序內先舉佛神力顯分齊  
次辨所集衆後如此下結所集衆第二內三世  
間可知衆生世間中有五句初列名次依本修  
行三俱來四依方而坐五歎德歎德有三初明  
自利行二切衆生觀無厭足下利他行三此諸



菩薩下辨自他德用自在第二放光序中有三  
初辨光出處二明所照處三彼諸菩薩下光所  
攝益卽歎德也兩膝放勝光者法身行中入佛  
境界增長勝妙相也膝者表進方便相也歎德  
中有三初總次別三結別中有三初自利二教  
化成就下一句利他三勝進可知耳讚佛序中  
金剛者因行堅也懂者行成高出也亦有攝伏  
義耳又十菩薩中初名金剛懂者明自體真實  
能消殄相累超世之道標別勝負故名金剛懂

也餘相可知此中諸偈並約廻向方便顯其佛  
德卽以此教爲詮善巧相也餘准思之諸偈文  
若有二初長行生起第二正說偈初偈有三初  
五自利德次三利他次二勸修也堅固偈有三  
初三歎佛自利堅固次四歎利他堅固次三勸  
修也勇猛偈有二初二辦法界海深次五辨利  
用廣大次三結體用圓極也夜光偈有二初四  
歎法身自在次六歎化用自在智偈有二初一  
歎卽位德次九辨所見勝所見文有二初一總



次八別別文有三初二歎佛德次四明佛離數  
相次二辨離世相耳審偈有三初一化力次二  
法力次七報力又問何故科此經文多依三乘  
者何也答所爲人三乘者多故爾也一乘義文  
准之可知精進偈有二初六通三身自在次四  
約四喻辨成離垢偈有三初七歎智身次二歎  
法身次一總釋真實偈有五初二歎化力自在  
次二法性力自在次四重成前化次一辨趣方  
儀次一結成身離相法偈有四初二辨明策修

者意次三總舉損益釋成次四廣辨損益相以  
歎德次一顯德相也又亦可此十菩薩德歎不  
須別科一一句義卽一方便法也此約一乘意  
取文也

金剛幢菩薩迴向品第廿一分別五門一釋十  
迴向名及來意二辨所治一乘如前唯三乘除  
獨覺捨大悲鄭三所得無間定及世間第一善  
根四所成十迴向行位卽宗體也五釋文一釋  
名者迴向者迴前行向菩提亦可通衆生及法



入定三昧分

法顯

指為定云 指此等性  
受舍海三八七五種  
成定論六八十四科  
以論之 自性大分

性金剛等是人迴向等是法就二義得名也來  
意同前耳但法體異前耳今此論所治及成得  
等並約二乘說之若約一乘別教辨者即或治  
或不治等可准思攝四宗者總相可知廣在下  
文五釋文者此文有七分初入定三昧分二加  
分三出定分四本分五說分六利益分七偈誦  
初云入定者顯法體非思境也明智定者顯行  
無或照明故也亦可方便淨智依正能成淨智  
也加序有三初總明讚加因緣相此文有三初

理之六

總諸佛現力及同名證法有二可知二時彼下  
正讚述三善男子下得入現定所以加入定有  
五因緣一諸佛力加二盧舍耶本願力三盧舍  
那今神力四金剛幢自智淨力五餘菩薩根力  
也二欲令下辨加所為中有廿二句初十二自  
分德次十勝進今此廿二句內所有諸文及上  
下意加內所有文相不可一一一是具解但准下  
地品初加分內論主所判約分此文意即可知  
仍此中文相或通果及因或初總後別或自他



利異或同異成壞如是一切及上會諸文並准地論初六相取之文不明了餘相可知三善男子汝當下辨三業加相差別就中初口內有十句可知意加亦十句初一總次別問何故此意加與雜法者爲方便事不定心境及理事一法故也准之可知本分正次文有二初總辨體二列名辨相初文有二初總歎二辨方便體卽六決定相中但有觀相大善及不怯弱所由上已辨也二相文開五一問二舉數及引證三重問

四列名五性及證成不思議大願者是地上願因亦卽十迴向願也三列十名者一救護一切衆生離生相迴向化事離二我也迴向有三一迴向衆生與物同成故二迴向菩提捨諸世有故三迴向實際用歸極體故此三相成所以知有此三下彌勒令善財見菩薩修三種迴向也波若經中亦說此也下並通此意一不壞者自行堅固也三等一切佛者自他等入佛境亦可量等四至一切處者分得佛力故五無盡功德



藏者修用出生不窮盡故六隨順平等善根者亦名堅固德用無盡獲得三堅固隨順涅槃也七隨順等觀一切衆生者得大涅槃而不捨世間故八如相者行依如修故九無著解脫者理等離縛脫無脫相故十法界無量者秤性用也此十相成共有二一以十門攝諸行迴向約此門卽是行二以行依十門明迴向也迴向有三所謂實際菩提及衆生迴向實際有二種一現修諸行卽是真如一爲顯真如故修諸行也衆

生亦二種一爲度生故修菩薩行卽是衆生道其二菩薩所成卽衆生所與菩提亦二所修諸行爲成大果二菩薩衆生諸行卽是菩提之果一一迴向係有此門具述總意准以思之第一有四初問列名二辨相三是爲下結四以偈重誦二辨相內有四初明行體二摩訶薩復作是念發菩提心寶下迴向衆生及菩提三菩薩復作是念如日天子等迴向實際四以如是等善根迴向結歎勝妙德用自在初辨體內有三初



以六度四攝等爲濟衆生法。一修善根。下明救護衆生。二此菩薩爲怨親故。下明託依起行。此中有二意。一爲離衆生相。故得成。二迴向。一由離衆生。故是。二迴也。此可思之。一正救衆生。文有。二初令生不墮地獄等。二復作是念。下得法身樂於中。因果分。二也。三託依起行。文有。二初以善迴向。衆生不簡怨親。有三初立次問答。釋疑。三常以愛眼。下對緣或行展轉。有四辨疑。第四疑。文有。三初立次責。三答可知。二菩薩不爲

一衆生下顯意廣大。有。一可知。第一迴向衆生及菩提。有五。一以等諸佛及起心究竟。卽爲。一也。此。二子段中復各爲。二可知。二菩薩以諸善根迴向時。下令生得清淨趣。三復作是念。以此善根。下爲生得見佛。獲益七財滿足者。謂信戒聞施智慧慚愧。四此菩薩復作是念。下代受。一切苦。此文有四初對物生心。何故下疑。三以大下明善巧。有。二可知。四復作是念。我悉當爲。下正明爲生受苦。此中有。三初代受苦。一疑此文



有三第二文中有四第三文有三可知三<sub>三</sub>是故  
不以下結可知三復作是念我當以下辨所成  
也有二可知五菩薩以是無量下令生得具助  
道因緣有三初起意二喻況三合可知也第三  
迴向實際文有二初簡擇前二迴向二令一切  
不著等下正迴向實際此文有三初辨分別無  
相二不起虛空妄因緣下依他不生三觀察一  
切衆生平等下眞實無性彼不生諸法不滅諸  
法以如是等善根迴向者卽第四總結文有三

初總次修行下別後菩薩下結歎別中初修行  
對治法等結初行體次觀一切結迴衆生及菩  
提後於彼善根不作二相下結實際餘相可知  
重誦有二初長行辨意次偈誦有五十六偈有  
三初十二總結次別此別有三初十一結行體  
次十二結迴衆生及菩提文次二十五結實際  
第三後六總結之可准取解二不壞者有五此  
初問次答三結四歎德五偈誦答文中有一  
辨行體二欲令一切衆下迴向衆生三諸佛成



新緣成信

依信成行

行成信信成行  
信成行信成行

就無量德下廻向菩提四菩薩如是捨離疑下  
廻向實際五如是菩薩成善根下結歎德用體  
文有五一對緣成信有二初立宗二何故下除  
疑二如是安住下依信成行因三菩薩如是等  
善下辨行所成果四菩薩如是精勤下結興行  
益五菩薩善根廻向已下辨依行成願事此有  
二意一為不壞故得成三廻二為不壞故是三  
廻也此可思准二廻衆生等文可知實際文有  
三初簡前二廻向二觀察平等下正廻實際三

常為諸佛下功感聖念四結歎內有五初結行  
體次摩訶薩如是下結衆生次究竟清淨結廻  
菩提次得平等下結實際文菩薩行如是下通  
結勝妙偈文有二初長行次偈誦有五十為五  
初廿一誦行體次二誦衆生次二誦菩提次十  
誦實際文次十四誦結歎文等二等一切佛者  
有五初問次答三結四歎德五偈誦答文有五  
初辨行體有二可知此廻向有一意一為等故  
成廻三種二為先應三廻故得等也可准之二



此菩薩得如是樂時下廻佛菩薩及衆生此文  
有四初向佛二廻菩薩三廻衆生四菩薩攝取  
行等行下明儀式也菩薩文有二可知第三廻  
衆生文中有三初廻儀式此有二可知二滅惡  
三生善三菩薩若在家時下辨起心分齊此文  
有二初釋次如是菩薩今集下結初文有二初  
在家攝生廻向二菩薩作是念乃至小大下大  
悲深重初文有四初起心二對緣辨攝有二可  
知二明成行無間卽顯智堅固四結第二深重

文有一初離苦二得樂可知四復作是念如彼  
下廻向實際文有二初牒前二廻向二而無所  
著下正廻實際三摩訶薩下結同佛廻正廻實  
際有一初約入觀智廻二常樂習行普門下出  
觀智以廻向第五總結中初牒前行體次第一  
廻向下通結偈有二初長行次偈有卅八初二  
誦體次卅四誦廻佛衆生等文次四誦實際次  
八誦結歎四一切處者有五初問次答三結四  
歎德五偈誦答文分四初辨體二如是莊嚴下



廻向菩提及衆生三菩薩如是善根廻向了無所下廻向實際四菩薩如是善根廻向下結歎德用初體中分二初明行體有四一法二喻三合四辨所成此有三句法喻合喻如諸天者第一義天餘相可知也此有二意一爲順一切故得廻二爲順三故得至一切處也二菩薩復作是念下廣明行相此文有二初明所依方土及佛二菩薩於諸如來下廣明行相此中有二初對境興心卽爲一也前對境明心次辨心德

二復作是念下對境成行卽復爲一耳如是莊嚴下廻衆生文有二初開理事二門立宗一令一切等下別辨得成至一切處所以有法喻合三文可知三實際文有三初牒前行體及二廻向次了無所有下正廻向三如是菩薩樂觀下結廻成益正實際有二初約入觀智次如是菩薩圓滿下出觀智辨也一切法衆因緣地者依因緣解證一切法故四總歎中初結行體得佛自在結菩提次教化衆生結衆生次菩薩如是



下結實際偈文有二初長行次誦偈文并二初八誦行體次六誦菩提及衆生次六誦實際次二誦結歎文五無盡功德藏者此有三義一出無盡二所成三自體以此三准之初問次答三結四辨德五偈誦答文有四初辨行體二菩薩諸善根皆悉下廻向菩提及衆生三菩薩以如是等無等下廻實際四菩薩如是善根下結歎勝用此初行體文有二初辨行體有四一懺悔二勸請三隨喜四廻向也隨喜有四一成佛二

說法三涅槃四流通等文有二初悔過第二勸請隨喜廻向也此三義由是有爲德義分相交故同處合說此文有二初總舉二別辨別中依隨喜四義卽爲四段耳此有二意一爲以順三廻故得成無盡藏二爲成無盡故廻三處也此可准之二菩薩作如此念下辨行相有一初嚴土二嚴成人嚴土有四初成世界土一菩薩修勝善根下莊嚴佛國土二彼諸世界中下三世莊嚴四結成究竟一菩薩復如是下嚴人有二



初辨次結辨中有四一人二此諸菩薩下略顯具德三成就下別顯德有二可知四由成就等下結有三可知二如一佛刹下以結略顯廣可知迴向菩提衆生文有二初以法界方便迴向二處二如是菩薩善下辨方便分齊實際文有二初牒總迴向趣向薩婆若際二菩薩行如是下別迴實際此文有二初入觀智以迴向此有二可知二菩薩如是起下出觀智迴生死非雜亂涅槃非寂靜者此有二解二就破相生死體

生死非雜亂涅槃非寂靜

空故非雜亂涅槃體如故非寂靜二家用解生死體家故非雜亂何者是體近說空是深說則不空如來藏是大涅槃能建大義妙用繁興無所不爲故非寂靜今依後釋此二佛境佛所行道名境界道無別生死故非他作生死涅槃體無定相故曰無法諸聖同依名爲同止餘義同先解第四結歎文有二初牒結前文次菩薩初發下總結初文有四初牒前行體結成迴向菩提及衆生二以如是等下牒前迴衆生結成實



際三菩薩如是迴向眼終下結所得益四菩薩如是迴向時下行德勝妙第四歎德用文有二初舉數二釋三結可知偈內有二初長行生起次偈偈有五十偈初十八誦行體次六誦迴向衆生及菩提次十四誦實際次十二誦結歎文也第六隨順一切堅固善根迴向者有五初問次答後是名下結四歎德用五說偈第二答有四一施行中辨行體二菩薩善根迴向令一切衆生下迴衆生及菩提三菩薩摩訶薩以此善

根迴向時下迴實際四菩薩以一切善根如是迴向下結歎德用初文有二一初舉輪王位捨歎成行德體有二可知二若施飲食下辨行相此文有四一略列所施諸物名二作如是念下辨修行意三若施飲時下廣辨施儀別於中或四五六不定四者一人二所有事三迴向四結前五者第二增田六者第三增歎事德事德又有成施心四此菩薩以如是等無量下結利益也一初列所施名文有二初列六十門中所施財



二心不貪著下辨施心無染三若諸衆生下辨  
所施田第二意文有二初辨施廻向意二菩薩  
如是廻向已下明廻所成三廣文雖有一百廿  
事無不皆在六十門攝也此有二意一爲順三  
廻向故得順堅固二爲順堅固故得二廻此可  
准之又今此所捨並通三義一是分段依正二  
變化依正三是變易依正可准思攝也地前三  
五生身故四輪乘者運度八難也一住正國此  
度二惡道北單越及長壽天三正士度佛前後

三本功德度諸根不具四平等願度世智辨聰  
又正國輪者真如法性土也依正士輪者般若  
正觀也本功德輪者施等五波羅蜜也平等願  
輪者菩薩十種無盡大願也菩薩淨行由斯滿  
足又肆字者恣也第四結歎中有二初歎益二  
菩薩爾時下廣得成益此二文各有二初釋次  
體結成究竟也二實際文有二初牒前行體二  
於身口意業無縛著下正廻實際於此正向中  
有五初約入觀智辨行成二菩薩如是廻向時



不著內下明所離三菩薩若於此法中下辨利益四何以故下釋成五菩薩如是見法下結說是非此文有九句相生可知前文言禪頭者衆生有形有體名禪頭今無此想也四結歎中有四初菩薩等總釋體用二迴向者何義下結迴向名義三菩薩若能以此下歎行迴向德四菩薩如是迴向已下結益偈有二初長行次偈偈有八十二初卅八誦行體及二種迴向次菩薩觀下卅一誦實際文後二誦結歎文了達菩提

三十一  
九一

從緣起於法真性無所壞者用不違體也七等心隨順一切衆生迴向者有五初問次答二結四歎德用五偈誦第二答文有四初辨行體二菩薩離垢清淨下迴向衆生及菩提三菩薩修行如是善根下迴實際四菩薩行如是下結歎勝用初體文有三初辨行體二菩薩行如是等下辨行用有二初離惡二生德也二不求生天下辨修意此有一意一隨他衆生所作善根不逆善令進故二菩薩自善根隨衆生根性二品



授與故此可思准之二衆生及菩提文有二初  
辨修行二菩薩以此善根下正明迴向初文有  
二初自分二修習平等下增上修也初文有五  
初辨所依之緣謂善根也二菩薩復作是念下  
明依緣起心於中分三可知三菩薩如是下顯  
心具德四辨時分五復次菩薩下廣辨所施之  
物第二增上施中有一初辨施心二菩薩復作  
是念下明心具德二正迴向中有二初正迴向  
二如是菩薩下結德自在此有二初自分二以

如是等下勝進可知也實際文有二初牒前利  
益二菩薩如是等下正明實際初文有五初離  
垢二明所得三明無等四對果校量此有二初  
總次別五結成具德也二正迴法界文相顯可  
知四結歎文可知偈有二初長行次偈誦偈有  
册二初二誦體次十七誦衆生及菩提次七誦  
實際次十六誦結歎文八如相者有五初問次  
答三結四辨利益五偈誦第一答中有四初行  
體二菩薩以此下迴向衆生及菩提三菩薩善



根如是下迴實際四菩薩如是迴向時下結歎  
勝用初體文有三初集善根體二菩薩如是下  
攝助成正行亦可攝因助果也此中有二初攝  
次辨觀相二菩薩以如是等下成三業大用自  
在也此大用內有二初明心所趣卽略也三業  
卽爲三也初一句身次一句口次下並意耳三  
佛世界下結畧顯廣也此有二意一此善根是  
如家相故迴二處二以相體無礙故迴向三也  
二迴衆生及菩提文有五初總明迴向二菩薩

如是迴向修下辨行廣究竟三復次菩薩下對  
事辨成行儀此有二可知四菩薩善根如是下  
辨修意也五如是菩薩長養下迴向功力所成  
三實際文此中迴與上下何異者諸迴攝相從  
體此中攝相從相此可思准之有三初明迴向  
體用二善解迴向下成勝所以三如如下約法  
廣辨初門有三初辨體二順如來道下明用三  
觀察寂滅下融前一第二勝用所以中初舉意  
次如是菩薩釋三如法門下約法辨成第二廣



辨中有一百句所文初一句所執則下諸句依  
廻耳又廣辨文中三種言說初取無著第一取  
施設法第二正取言說敘事文中三種時者初  
唯簡法耳二簡時論法三時法雙論耳此等依  
文次第捨之即知所由過去非同者非同一滅  
也未來非故者非現後故也現在非異者非異  
前後二世及自同歎法也此亦反外人見思之  
可知四結歎中初三句結歎廻衆生及菩提次  
等觀諸佛無有一下結歎實際德用第四成益

文分二初辨德二結可知第五重誦有二初長  
行次偈誦偈有廿九初二誦行體次四誦生及  
菩提次九誦實際次十四誦結歎利用九無縛  
無著解脫心者有五初問次答三結四辨德五  
偈誦初答文有四初辨行體二摩訶薩以無縛  
著下廻衆生及菩提三摩訶薩以如此無縛下  
廻實際四摩訶薩如是廻向時下結歎勝用體  
文有二初總辨不輕衆善二菩薩常樂攝受下  
由不輕頓故於行攝成自在在此有一意一爲善



根無縛著故廻三處二以善根順三處故無著也二廻衆生及菩提中有二初辨普賢三業二從此生盡未來際生下廣約別事顯成自在初文有四初總次身三口四意可知二廣顯內有卅一一得因果位二得方便三得身業四得日業五得意業六成根七得神力八於佛剎自在九得家十得因陀羅智十一得時自在十二身容受十三入果位自在十四入世界自在十五知想十六知心此等中各有二文初知二歎知

德十七知處十八知業十九知法廿知聲廿一說自在廿二知根自在廿三知方微細此文等有二如前可知廿四知行方便微細廿五知入解位菩薩微細廿六知初地微細廿七知生性微細廿八知世界微細廿九知法界智微細卅知劫智微細卅一知法智微細卅二知出生雜法微細也上知微細中何故知智而不知法者能顯成法也三實際文有二初入觀二約出觀可知耳四結歎勝用文滿足等者滿因果行也



以第一通句……道理  
第二通句……約修或  
第三通句……二便通合及所作書

カト  
ト  
信  
界



世界に果て外界に三つあり  
 三つありて、世に男をうみ  
 アラハレル哉男と云ふ外ニ  
 アラハレル。

三十一



以此善根如是迴向，下以行成位有二。初明所離二明辨所得。可知十菩薩如是平等心，下位依成勝進，行用此文有四。初辨迴得體，二令一切衆生下明迴意，此有一文。一自分二勝進，可知三菩薩善根如是，下明所離。此文有三。初立次責二答，可知四菩薩如是迴向時，下明起行答也。第二口業可知第三就身業，文分三。初辨身體二明身德三辨身用，此有三。初總次別三結二三業起用不空文，有一初復次菩薩修善。

下具辨三業第二如是菩薩，下不空行成初具明三業文，有一初辨審莊嚴二廣說香華等下類辨十門莊嚴初文有四。初辨所供境，謂佛等二彼一一刹下供養具三菩薩復作是念，下以略不廣四，是爲菩薩等下結初供境中初總次別別中依正分二三供養具有四。初明百句別審供養二審身莊嚴下八句明三業行三審眼下六根妙用四審身業下後以三句成三業智用二三業不空行成中有二初令生成自分行。



二菩薩復作是念下令成勝分行此上各有二段應知三復次菩薩安注法界下迴實際可知也四利用文有二初牒前諸行也二安住法界等迴無量淨身下依行成勝三業大段第三是爲下結文可知四歎德文有二初明已成就普賢廣大衆德二於一念中下明別歎已分成自他勝用一切行事也上來依經是一乘法通而非局次明二乘寄位法者如經初向心內一二諦正直所爲學習第一義諦觀一切法相如不

可得故以慈悲喜捨教授天人剃頭被三需衣出家菩薩其一切僧佛法無二第一清淨故第二向內第一義智五神通是慧性差別用卽以六通爲觀境也第三向中於無生慧內四不壞淨於佛法僧戒中信不可壞故於第四向中量同佛力所爲三相諸法本無故假名生已有還無假名滅不空有法假名住是故一切通達空而不二名世諦相空空一諦相故第五向中善計量衆生力所爲五陰色者異空色集成大色



心相空……

十八

心二  
又心二  
要

分故色相空剎那剎那成心故心相空受相行  
無集無散一相故第六向中佛教化力所謂十  
二入外六境內六根爲識所入處故名爲入其  
慧觀者不在外不在內不在中間一切法無自  
他故第七向中趣無礙智爲十八不共法六境  
六根六識一含於一切法亦爾第八向中隨順  
自然智所爲因果善惡名因苦樂名果所由爲  
因所發爲果因果二空無生無滅皆一合相也  
第九向中受佛法僧故謂二諦空因緣集故謂

之有非曰有是有緣因散故謂之無非曰有是  
無故有無無二相也第十向中以自在慧化一  
切衆生所謂中道第十義諦波若處中而達一  
切法而無二相轉增入聖地名相似第十義諦  
觀非眞諦觀初地已上是眞觀此是三乘寄位  
說所以知者爲經中明已前卅心並凡夫法非  
聖位故也初地已上經本無通三乘立其教義  
文相多同故不須料簡也爾時佛神力故動地  
等下第五明證實顯成此文有二初動地雨花



等證成次云十方菩薩悉雲集者第二明諸聖  
證成勸信流通也於二文各有二謂辨相及結  
通餘方也偈初意後頌頌文有九十四初十四  
誦行體云無相妙智觀法真相者末用依體也  
世行窮故最妙次菩薩法施下六十八誦衆生  
及菩提次譬如如下二誦實際次如是殊妙下  
十誦結歎就菩提衆生內初八誦三業隨智行  
次十方一切下廿誦身業不空次恭敬下廿二  
誦口業次衆生數等下十八頌意業等也此會

答上廻向問耳

華嚴經略疏第二卷末終



華嚴經疏記卷二 終  
證成勸信流通也於二文各有二謂證相及結  
通餘方也得初意後頌頌文有九十四初十四  
誦行體云無相妙智觀法具相者末用係體也  
世行窮故最妙次菩薩在施下六十八誦衆生  
及菩薩大譬如如下二誦實際大如是殊妙下  
十誦結歎就菩提衆生與初八誦三業隨智行  
大十方一切下止誦身業不空次恭敬下廿二  
頌王頌問問聖數等下十八頌意業等也此會